

廣德州志卷十一

營建志

津梁

津梁

山溪盈涸靡常其涸也丈五之溝耳盈卽汪洋浩漫矣駛流衝擊往往不循故道有渡變爲橋橋變爲渡者因而石易爲木木易爲石又有舊時石橋今絕無存或反在平陸者非因時修葺曷資利濟爲參考各志以城鄉方隅近遠爲次附碑記以考年月庶覽者燦若列眉焉

廣德州志

卷十一

津梁

苦嶺關通志州東南七十里

明一統志在州南六十里萬厯等志俱七十里路通

浙江安吉州界明正德十二年孝豐賊湯毛九倡亂知州周時望率民兵守禦於此

互詳名蹟

案萬厯志以渡歸塘別立關梁門但州屬止苦嶺一關而渡多至二十餘處故依楊志作津梁

誓節渡萬厯志州西五十里唐末黃巢爲亂土人張姓者率鄉兵捍之誓死不退遂歿於溪故名**案**此卽元和志

所稱桐汭水也詳山川

滄河渡萬厯志在州北三十里

通志作二十里

案明初建倉于此

故名倉久廢因訛倉為滄萬厯間州守陸長庚始設渡
船並捐置田五畝五分渡基二分建屋三間紳耆王煜
王貢董其事康熙十八年民婦韋氏呈稱故夫徐應昭
存日捐田九畝七分給渡夫管業春夏設船濟渡秋冬
架木為橋恐日久乾沒及渡夫橫索錢文請勒石垂遠
經州守高拱乾批准立碑現存三十三年屋傾里人洪
韋沈徐趙王許七姓重葺學正盛彰記

沈家渡萬厯志

州北二十里

詳橋

咎埠渡萬厯志

在州北三十里

楊志作二十里

廣德州志

卷十一

津梁

二

朱灣渡通志州東北四十里路通長興楊志云向未疏通

康熙五年知州楊苞設立簰埠移文浙江湖州府水道
通行不容釘塞簰筏往來商賈便之案諸志皆作朱灣
埠俗名亦然今依通志

右本州關津

東門渡楊志在建平縣治東

案此下皆據楊志其見於通志者七合溪歐陽赤山

東夏李村荆軻清溪

清溪渡縣治南舊有普濟橋後廢為渡案是渡通微寧要

道徽商置渡田南門村王姓置橋田水發掉船水落架
橋俱王姓司之

陳家渡縣東十里

歐陽渡縣東三十五里

烏盆灘渡縣東南二十里縣志同李志作二十五里

合溪渡縣東南三十里

忠義渡縣東南三十五里

汪家渡縣西三里詳惠政橋

吳村渡縣西五里

廣德州志

卷十一

津梁

三

犁耙渡縣西五里

破塘灣渡縣西十里

松梗渡縣西十里

東夏渡縣西二十里

狗兒渡縣西二十里李志縣志俱作吼兒渡詳橋

栢枝渡縣西二十二里

赤山渡縣西南五里

三溪渡縣西南十五里

李村渡縣西南二十五里

吳家渡縣西北十里

荆軻渡縣西北三十五里

詳橋

案楊志寓賢門稱建平有荆軻渡荆軻橋荆軻廟不知其名何自而起或曰其地產荆意者為荆柯而訛為軻然又不當有廟今所祀果何人也今考高淳縣尚有荆軻墓荆軻殿稱為荆將軍縣志辨其為非刺秦皇之荆軻又引古今逸史云荆軻字次飛曾斬蛟除害又云廟在溧水縣南高淳舊為溧水是為荆次飛無疑據此建平與高淳接壤所謂荆軻其亦荆次

廣德州志

卷十一

津梁

四

飛輿

右建平津渡

梅公橋萬厯志在州治右

案南畿志載州橋十有七萬厯志增至五十有五亦云多矣通志錄二十四橋今皆據之而一統志所載各志所補及今所增又復不少故舊有者皆取最前一志書之增者以案別之

王家橋萬厯志在復初書院後李志云下通秀水**案**是橋元至正八年建明嘉靖間建復初書院當其前書院久

廢新建者在西學基址橋今在尊經閣後亦名獅子橋
三步兩橋李志下通秀水案在西學基後俗名三步兩條

橋其水一通鮑家衙一通柴巷口楊門志未載

案萬厯志所載楊門志多因之通志亦復相同李志
增入之橋不詳建造之年今皆注楊志未載以別之
今此所增半係新建不復注

武定橋萬厯志在州治北舊名迎貞因屢圯立真武廟以
鎮之故今名武定南畿志以此為首

上松橋萬厯志在州治東開化寺右

廣德州志 卷十一 津梁 五

下松橋萬厯志在州治東東嶽廟前

復古橋萬厯志在州治東舊名寺河橋知州魯桌以洪水
漲沒城隍遂塞石溪門令民復疏水溝因名其橋曰復

古 楊志刪魯桌以下則復古之名晦矣

迎春橋萬厯志在州治東一名濟民橋因迎春過此故名

梅婆橋萬厯志在織染局左

案橋名有梅公梅婆又有杜公杜婆蓋皆當時建橋
之人也

杜公橋萬厯志在西社學左下通秀水

杜婆橋萬厯志在西社學右李志下通秀水

六斯文橋李志在州治西六斯文巷內下通秀水分流楊志

未載

栢溪橋李志在州治西南下通秀水楊志未載

五馬橋李志在州治西北下通秀水楊志未載

銀錠橋李志在州治南下通南街秀水入古研池流繞學

宮後楊志未載

倉橋萬厯志在州治南預備倉前

玉帶橋李志在州治南三峯樓前通秀水入古研池塘楊志

廣德州志

卷十一

津梁

六

未載今毀

案此橋諸志不載始見李志今已填塞說詳秀水及

藝文

梅花橋明一統志在州治城北門昔橋旁有梅樹奇絕可

愛案是橋下通秀水會水關出城通志混作鳳凰橋

斗門橋萬厯志在州治北

織女橋明一統志引輿地紀勝云在近市案是橋舊志失

載今無可考附列于此以上二十一橋俱在城內

鍾秀橋楊志在鍾秀門外即小東門康熙七年遊擊李成龍捐

俸建

楊苞新建鍾秀橋記州舊有六門其東南隅曰石溪位
臨巽方風和木秀鼎峙丁坤克禕地脉所繇來尚矣不
知塞自何年冠裳凋謝今一旦重開斯文色起蓋仗兩
憲臺俞請暨郡人士懇陳所致也惟是鹽行肆廬新集
其地門以外貨鹽者車牛任輦於此往時鹿場兔窟今
稱日中孔道則橋梁在王政造置之條公餘偕遊府驛
淵李公散步南池公謂余曰君之化宏械樸而思及鱗
鱓者德難更僕數獨建橋一事蓋昇諸余以成君讓善
之志爰屏騶從偕行蒙茸間顧謂役人視我兩人趾所
及量計橫縱若干丈估費若干緡人夫若干名擇吉舉
事凡捐貲鳩工公一力專承于是山林之木良工度之
嵌巖之石巧匠斲之以逮薪者冶者披荆艾棘展土而
運甃者公之步伍騎從人人皆菩提願也閱兩月工竣
問記於余以永落成余與公共桐六載知之深自記之
晰公氣閒而肅令寬而明時花種竹煮茗焚香有古人
輕裘緩帶羽扇木車之風方且韜弓脫劍買犢賣刀士

廣德州志

卷十一

津梁

七

恬農嬉鷄犬弗驚不佞戴公實宏且多今之登斯橋也
何事侈控賊於河陽分輕兵於歸路而潭影空人山光
悅鳥耕夫紅女絡繹載道樵歌牧唱聲在樹間民樂公
樂而余因以樂民之樂公真惠我無疆哉公世燕京起
家貴胄諱成龍字曜淵目
鳳而髯虬竝得識貞珉云

弔橋萬歷志在州治東門外案俗名城河橋康熙五十四

年知州周在建重造

新河橋萬歷志在州治東門外李志其流接鯉洪溪水丙

申年知州魯卓築橫埂三堤以障洪濤故名案是橋砌

石架木上覆以板俗名板橋上有屋五楹乾隆癸巳為

水衝損屢修未成甲辰知州穆通呵令民募建越數年

知州胡文銓勸輸告成有記

河圖塘橋萬厯志在州治東門外案今為小東門李志因洪水入

城築堤障之故名案康熙甲戌即舊更造乾隆癸酉重

建有碑

濟民橋萬厯志在州東二里許

福星橋亦名星橋萬厯志在州東五里無量溪上舊傳此

地星隕為石因名興廢不一嘉靖六年鄉宦張金妻曹

氏媳陳氏捐貲獨建萬厯丁亥夏水衝橋圯州守鍾庚

陽捐俸以倡士民醵金二千重建以上萬厯志歷知州屠謙

廣德州志

卷十一

津梁

八

段猷顯始竣事馮夢禎記順治八年又為水衝隨修隨

圯康熙三十四年圯甚州守李勳募建石橋并置橋田

有記雍正十三年復圯乾隆三年州守李國相詳請帑

金一千四百兩有奇修築仍舊名題曰福星再造有碑

以上參碑及李志後復圯乾隆三十九年知州恒豫改用木而

歲加修治至今仍之

明馮夢禎重建星橋記橋在州治東五里相傳茲地有

星隕為石遂以名橋云州當吳越之交輪蹄交錯橋適

躡孔道亦一要津也其水南合牛首山分流嶺乾溪諸

源匯為一注南湖入于江夏秋間水溢怒湍甚箭橋之
功於是為大橋建自嘉靖六年歲久漸圯丁亥夏且盡
傾行旅稱艱當事者屢以工鉅難之凡構木為梁者再

衝波擊射輒蕩為烏有辛卯冬鍾大夫領州始下車進
父老問疾病僉謂此橋宜亟創大夫曰嘻民疲矣不可
重困居數月別蠹釐奸百廢修舉桐民以和且歲稔廩
廩稍實父老又相率請大夫曰嘻是民志也不可重違
于是首捐俸為士民倡鄉大夫舉欣欣樂輸大者數十
金小者數鎰一鑲不旬月走集大夫遶良委任鳴董工
役疇掌籍記疇採木石並屬能且慎者簿書之隙躬督
察之稽勤惰審堅瑕靡敢怠事又舊石沉于沙中深至
仞許大夫悉命撈之曰搜一石減一金也故規制一視
往昔堅實不啻礎之而費則減十之五經始於萬曆二
十年之三月落成於今年之四月高若干丈延袤若干
丈白金以兩計者凡二千有奇役既竣太學生夏守義
以郡人之意走都城請記余曩謫桐從大夫之後未幾
量移去廼始事實其之其何敢辭史遷有言太上因之
其次利導之其次整齊之最下者與之爭之役也歲穰
斯舉因時輿論克協因人貲取慨捐因帑石錯新故因
材公藏無糜民力鮮殫費而惠之勞而佚之因勢不一
葺而垂虹臥波屹如翼如行人稱便陋國僑之乘輿符

廣德州志

卷十一

津梁

九

王政之濟涉余以是善大夫之能因也是皆可書大夫
往守潤稱良二千石以公譴左遷踰十年守是州大夫
不以遷客自處而汲汲為桐民造永業尤為難大夫他
政如禱雨均賦葺翼序釐里役未可殫述茲畧而不記
記橋云大夫名庚陽戊辰進士與余為同里人癸巳春
三月既望國子司業馮夢禎記

國朝熊賜瓊重建福星橋記治東不五里而遙有溪曰無
量梁曰福星相傳星霞爰以名梁歲乙巳以覲省暇南
浮石城因抱痾江上過吾友楊大夫治既至溪上梁適
成裴回久之其水匯牛首山分流嶺乾溪諸巨浸注南
湖以入江怒湍箭駛非石不為功且州交吳越梁踞孔
衢信蹄輪要津但不知圯自何年今且長虹臥波民不
病厲揭若是詢之康衢咸曰此吾州刺史楊公惠也公
甫下車亟問吾桐疾苦息訟勸農捐耗足賦以清勤廉
慎正己率屬橋之圯亦有年矣公伏我以勞不費而惠
吾儕細人焉知所謂星霞惟履斯橋若戴福星焉余聞
之益信王政重橋梁仁人多利濟也大夫旋迎余至州
治備詢所以守桐者承家節操為政心聞即橋又見一

班于是桐之子弟介父老前面請以永落成重違諸人
士心姑就橋論若姬穆龍龜淪于誕端明萬安侈于神
皂江青龍成速而易遷南徼度索荒遠而難究皆昔人
思垂不朽者豈若茲橋不尸功不殫力相時而動觀厥
成貽厥寧其規制眠昔堅實過之使耕夫饁婦牧笠焦
柯服賈車牛皇華星使往者頌來者歌日以億計皆大
夫學道愛人之明德遠也 季勳福星橋記 粵稽王制
除道路葺橋梁著於月令載在刑書誠為利濟斯民之
要務而凡有守土者之大政也慨自中世士大夫視官
為傳舍催科獄訟而外其於地方利弊漠不相關矣余
承乏茲土周視四境山溪環遶而東郊為江浙通衢距
城東五里許為諸水所匯尤屬巨浸先是郡紳張公諱
金者始建尙義橋以渡行旅廣長宏壯為一郡冠創自
明之嘉靖丁亥至萬曆丁酉未六十年為蜃所傾瀉仲
陽屠公繼守是邦復整其事名曰福星橋歷西星鍾公
至二室段公方克竣其工凡經三州守而後成至
國初順治八年復為洪波衝折嗟乎何斯橋之難成而易
毀若斯耶迄今四十餘年來雖權為架木架石以濟過

廣德州志

卷十一

津梁

十

客而隨修隨圯春夏之交往來病涉漂溺時告余為蒿
目傷心久矣適庠生夏勞陳衡來請云有好義耆老夏
且等暨橋菴僧靜慧其願倡建環橋余亟應之曰此余
志也亦余責也余先不敢驟舉者恐自我發之而不能
自我收之耳以其工費浩繁而余之冰俸有限且桐無
富商殷戶力能捐助而不忍以大工大費煩我瘠土窮
黎也今幸有實獲我心者能不亟為勸諭勉力為之而
孰意我百姓亦遂能諒我之勞之正欲以逸之也凡闔
郡三百九十九保共計烟戶三萬零五百七十一戶每
戶助工一日其遠不及赴者輸錢三十文以資工價紛
紛子來而行商過客亦有隨意樂施者夏者銖積寸累
勞心焦思身任橋事而饗殮則取給於家陳衡與之始
終共事夏勞協力相助皆多方籌畫以期必濟而一文
不妄費一息不敢暇加之二三寅屬俱董率不怠余於
簿書之餘單騎時臨獎勸備至自乙亥八月起工至丁
丑十月告竣嗚呼方始事之日老成練達者籌之皆以
五年六年為期今幸未及三載而遂成即前之擬建者
歷三州守而甫就茲乃自我發之即自我收之豈余之

力能勝前人哉亦惟矢此一念精誠不敢視官為傳舍而必以地方之利弊為己任庶幾天佑而人助有不期然而然者語云有志竟成良非謬也然工雖成而尤必為之計久遠則以所買愿懇保施宗學石巖一區并查被侵閱祠官田二十五畝九分僧實臻所助田與勸募善民潘文魁及眾姓助田共九十九畝五分范村保庄房三間山一號又楊公舊助田二十三畝七分五釐四毫七絲二忽概行收入橋菴戶內輸糧當差以備永遠看守之資倘稍有罅隙即預為補葺更可於環橋之旁俾住持僧歲架木橋以濟車輛毋許重載推過環橋則斯橋之永固而難毀也又以其所存架木於橋畔構亭數椽余捐冰俸置田十畝六分俾菴僧冬設湯夏施茶廣濟行人今而後福星一橋得與鄧山桐水長流峙於無窮而余與諸共事者亦得附斯橋於不朽云奉直大夫知江南廣德州事三韓李勳撰康熙三十七年三月日立州判蘭繩先吏目金鍊鎮守江南廣德等處地方左都督世襲拖沙喇哈番仍帶軍功紀錄七次食一品俸管遊府事胡國用賜進士第江南廣德營中軍守備

廣德州志

卷十一

十一

李芳埏儒學署學正事舉人盛彰訓導張鈐陳陽司巡檢朱文運廣安司巡檢今陞泗川瀘州東目陳懷素杭村司巡檢張巍李國相重修記州之東五里有溪曰無量有橋曰福星是溪為吳越孔道輪蹄交錯夏秋之交雨霖溪漲道路梗塞每為畧約冲擊輒潰則足橋之建其福於州也良鉅余之來也橋復毀壞有年余心屢焉昔定州橋壞王周日橋梁不修刺史過也用是屢為事事而宦囊空乏願究莫遂欣逢

聖

天子溥頒大澤舉修廢墜緣是請動帑金一千四百兩有奇遴良委任飭具庀材踰鷓鴣堅懸磴固鴈齒不勞翬骨永奠規式仍舊堅鞏倍徙之向之臨流興歎者茲且掉臂而揚鑣矣恒豫重建記福星橋為江浙要道溪流湍急屢圯於水余蒞此四載思建石梁為永久計而經費甚鉅未能也爰商於州之紳士量力樂輸採購巨木鳩集羣工始事於癸巳之十一月竣事於甲午之三月計經費三百餘緡負戴同坦道之趨輪蹄無病涉之苦費少而事集余懷其稍慰矣議者謂千章之材不如拳石之固補偏救弊無貴一時而余則以為事有緩急

力有盈絀虛慕垂久之規而無補目前之急余不爲也
況樂輸尙有贏餘橋田歲有租息慎選董事善爲經理
時以修補勿使廢壞未始非卽永久之計也凡紳士之
好義者不可湮沒臚其姓氏壽之於石以風示來茲

案名橋以星舊傳星隕必有所據但嘉靖間南畿志

已曰福星非萬厯間屠守所改特馮祭酒記稱星橋

耳李守記謂春秋隕星書異其義與橋無取稱福星

蓋頌揚守之惠也已屬臆造乃至自序其橋工竣日

東西有白氣兩道從地起交拱如橋以爲人事感召

無稽之談何足徵信故削去之

延壽橋萬厯志在州東十里

廣德州志

卷十一

津梁

十三

樂安橋李志在州東十里俗名七板橋

楊志未載

浪儻橋萬厯志在州東十五里

巫南橋萬厯志在州東二十里

浮潭橋通志在州東二十里

案浮潭疑卽巫南吳人呼浮如巫而南潭又音近也

南畿萬厯志有巫南無浮潭楊李等志有浮潭無

巫南今姑並存之

搭畢橋萬厯志在州東二十里案舊志俱作搭畢橋詢里

人則因筴畢二姓居此橋因以名則當以筴畢爲是筴

亦州著姓也其公祠在焉

杜杭橋萬歷志在州東南二十里

碧溪橋萬歷志在州東南三十里碧溪之上

蜈蚣橋在州東南四十五里以下四橋新增

觀音塘橋在州東南四十五里

章村橋在州東南五十里

大圩橋在州東南五十五里

葉塢橋萬歷志在州東南六十里案是橋係亂石結砌石

上鐫章公橋三大字成化七年造五小字里人章文傑

廣德州志

卷十一

津梁

十三

所建也楊李志訛在南又失載章公名

毓秀橋李志在州東南六十里

百店橋在州東南六十五里新增

頭陀橋萬歷志在州東南七十里

咎埠橋在州東北三十里乾隆五十四年舊橋朽壞知州

胡文銓捐俸重修新增

長樂橋李志在州東北四十里南畿志有其名楊門俱失載

歲豐橋通志在州西門外跨濠河舊名城河橋萬歷志云

久廢萬歷四年知州吳同春重建更名歲豐

濯纓橋明一統志在州城西門外跨玉溪取滄浪之水可

以濯纓為名萬厯志知州楊翰建知州喬岱修案是橋

久圯康熙丁酉知州周在建重造有立石乾隆初州守

羅儀曾尙增重修有記

國朝會尙增修濯纓橋記州治之西有津梁焉古名濯纓考其始宋參軍趙子溶會構衆春園於玉溪之上溪後有池清澈可鑑元郡守趙亮夫面池築亭榜曰濯纓為遊覽勝地厥後半為溪流所蝕明正德間知州喬岱初有橋即移亭之名以名其橋志不忘也年久傾圯前牧羅儀謀所以新之州之士民亦踴躍以應閱二年往來者始無病涉然兩岸築矣柱石立矣橋板鋪矣而橋上之屋未建其能久乎予於內寅夏抵任過斯橋而慨然蓋甚懼夫功虧一簣者之未克底於成也爰於聽政之暇進紳士為經久計僉曰是宜就橋之形勢建瓦屋

廣德州志

卷十一

津梁

古

七楹南北籍以短垣中畱行道以通來往凡願賃居此橋屋者取其租以為歲修可無風雨飄搖剝落之虞予又慮橋板或不耐車輪摩碾另架一便橋以供貨車行走夫如是而斯橋可鞏固矣乃復為之鳩工庀材告厥成於丁卯八月噫清斯濯纓聖人猶為動聽斯橋也其亦何幸而得邀此嘉名耶抑又思之不獨為斯橋幸且為修斯橋者幸更為古園亭之近斯橋者幸矣望古情深觀成有自利行人而垂永久後之經由斯橋者其永懷清斯之義也可若夫好義者之仗助與董事者之勤勞其功均不可泯也於是乎記乾隆十二年丁卯孟冬賜進士出身知廣德州事翰林院庶吉士長清會尙增

潘鼎濯纓橋看紅葉濯纓秋水湛明霞橋畔霜楓望處賒漫道杏林春色好紅時勝却曲江花

獅子橋萬厯志在西門外濯纓橋西三十步許明一統志

引輿地紀勝云在清霜門外案清霜即今西門也跨玉

溪乾隆初里人重募建三十一八等年為溪水衝擊傾

圯署知州色卿額知州恒豫相繼捐募重修有記

國朝色卿額記城之西有溪曰玉溪有橋曰濯纓不數武
又有橋曰獅子與州城門相為唇齒行李往來輪蹄交
錯其橋係乾隆初年里之好善者募建焉丙戌夏霖雨
溪漲橋石傾頽行者甚有戒心余自廬陽司馬而來撫
篆肩輿過此心竊厯焉下車後簿書稍暇汲汲于是前
任創修捐金不及十之一二余甚感感無如官橐蕭然
莫之為計適有罰鍰四十金余薄捐清俸各董事亦急
公勸捐良工度之已足其用遂庀工購料以築以券以
畚以壘立以砥柱堞以雁齒匝月之間各工落成規式
如舊堅鞏倍之向之徐步寒心者今且翼如而揚鑣矣
問記於余噫輿梁徒杠出自周官守茲土者職所應為
前人創之紳士助之余得克終其緒襄成善事耳是為
記乾隆三十一年歲次丙戌仲秋月奉政大夫同知安
徽廬州府事署直隸廣德州長白色卿額題 恒豫記

廣德州志

卷十一

津梁

五

獅子橋為西城外孔道往來絡繹今歲四月間霖潦經
旬溪澗奔騰橋被衝圯余亟欲建復慮清俸不給將欲
集議公辦有陳丁氏盛氏願出貲獨建始於九月初旬
竣於十二月下旬計費二百千文人有翔步之樂無褰
裳之患氏之惠也查丁氏之夫陳生桐春名錦襄固州
之名諸生而桐春之祖母丁氏以奇節顯不幸桐春夭
折氏貞潔自守撫養幼孤殿錫延師課讀有九熊畫荻
之風而又樂善不倦如此余既嘉其節又高其義故述
其興建本末勒石垂久云乾隆三十八年歲次
癸巳十二月奉政大夫知廣德州事恒豫撰

烏盆橋萬厯志在州西北七里

朱公橋李志在州西北二十里

英溪橋萬厯志在州西北三十里久廢明嘉靖四十五年

州民許奎重建

白鷺橋萬厯志在州西北三十五里

冷水澗橋萬厯志在州西南四十里

楊門等志誤作東南今移正

吳馬橋楊志在州西南五十里萬厯志作胡馬橋州民濮

陽銘建

大橋萬厯志在州西北五十三里

雄溪橋萬厯志在州西北七十里

節義橋萬厯志在州南十里李志乾隆四年州守李國相

重建案俗名港橋今圯

永安橋萬厯志在州南十三里

廣德州志

卷十一

津梁

六

落馬橋萬厯志在州南十五里

永興橋萬厯志在州南二十里州民濮陽海建楊李志海俱訛晦

汪家橋萬厯志在州南三十里

永定橋萬厯志在州南四十里

土橋萬厯志在州南四十里

九龍橋李志在州南四十五里楊志未載

柏塾橋一名敦善橋李志在州南五十里州守朱德安募

建乾隆四年州守李國相重修楊志未載案是橋建於康熙

壬辰尋圯乾隆三十二年里人丁一忠等募建環橋旋

卽衝壞里人丁昌恒等復募衆重建改用梭墩十餘座
昌恒獨造梭墩一座五十二年落成費約六七千餘金
橋始鞏固有碑記

魚龍橋在州南五十里雪水澗三昧菴右康熙四十一年
僧雪山建郡人王邦記乾隆三十八年圯四十六年僧
德濟重修前後兩山迴繞形家謂龍脉所關改名迴龍
橋

下嵩橋在州南七十里乾隆三十七年爲溪水衝壞四十
三年里人耿際亨重建有記

廣德州志

卷十一

津梁

七

記云桐山水皆自南而北下嵩溪發源白馬經靈山向
西轉北而去靈山至此十里溪多怪石如牛如馬如小
艇如覆釜如累碁溪水大漲怒濤泛石橋梁當之則圯
是溪爲吾鄉通郡城之要道有橋可渡北岸有亭可憩
癸巳年悉爲溪漲所壞經此者不啻望洋文學耿君際
亨捐貲四十兩復商之同志募捐銀一百六十餘兩鳩
工庀材不一年而橋與亭俱竣
其利人不小矣里人焦正溥記

平安橋在州南八十里明成化二十一年建有記右三橋
新增

梅花橋萬厯志在州北門外知州鍾振築鳳凰墩于溪左
更名鳳凰橋

案楊志通志並同李志始梅花鳳凰兩載以梅花在
治北城內下通秀水合水關出城鳳凰在城北門外

未知孰是

北灣橋萬歷志在州北一里春漲橋圯州守段猷顯捐俸

重建屠隆為序案後又圯重建

屠隆北灣橋序廣德州古桐汭地東接具區南通宣歙而西控九華秋浦以達于秣陵亦一山澤間名壤孔道城北相距里許有溪名北灣環遶州後堪輿家謂實關州治發源靈山其流匯南湖以抵大江道通溧陽句曲稱境內一巨浸云每春夏之交洪流泛溢士庶褰裳則畏盤渦揚舲則戒駛漲甚或急一壺悲筮篋病涉良多正德間嘗建石梁不久而圯為患業數十年州刺史汝頰段侯以中原人豪來莅茲郡興利剔蠹百務犁然士民以病涉告侯夙駕往視太息曰王政先橋梁仁人貴利濟民病涉若此如司牧何于是首捐俸二百為士民倡郡父老子弟爭先樂助未幾而大橋落成脩十丈廣丈二矯宏規于臥虹偃澄波于夾鏡雪蓑雨笠漁樵暮

津梁

廣德州志

卷十一

六

歸雲壘烟塍耕夫曉出車輪馬蹄摩肩擊轂征衫游履連袂蹋歌興穆如之頌洽康哉之風橋之成也所關係匪細侯之功德千秋哉夫穆滿龜鼉事涉荒唐端明萬安稍援神怪詎若侯杓運元德桴應黔首不神而神良足偉矣嗟乎司牧者溺其職或浚膏骨以自潤或延歲月而待遷往往傳舍其土而秦越其民乃侯獨不然蓋真焦心蒿目眎下若子而營國如家焉苟可佐黔黎之急者無弗為已而無弗勤已嘉政美績有口不勝頌而冊不勝書者若倡文教造青衿褒忠孝重耕桑拯饑疾務本業懲游惰議改折緩征輸省追呼肅胥吏清訟獄嚴齋戒謹榮雩雖古僑胥之遺愛兩漢之循良何以加諸建橋則其一節耳不佞聞之鵲巢麗譙泉清潢瀆益德充之符人悅而神相之矣是役也侯之部下若管侍御九臬及諸文學生洪生範韋生宗魯應選王生惟德等悉助工慕義為力而復匍匐問記于不佞夫侯德自不朽烏侯不佞言而不朽乎侯諱猷顯字徽之汝寧之商城人壬辰進士

撲水橋萬厯志在州北五里

東平殿橋李志在州北五里案橋下水來自無量溪北流

與北灣溪匯于東平溪向以筏渡乾隆四十九年判官

左宜倡募建橋名曰永濟孫炳炎章采衛並有記

東平殿橋記州城北五里有東平殿殿後大溪四鄉之水匯此以歸建平乃州境水口也無如殿宇久頽溪水驟發時行旅吁嗟乾隆壬寅司理左公捐俸印發募簿職者陳尚謨等勸告城鄉踴躍捐貲廟貌重新橋梁完固又公買田產收息為後來修橋之費焉乾隆四十九年秋孫炳炎記

浮橋萬厯志在州北十里

土塘橋萬厯志在州北十里

廣德州志

卷十一

津梁

九

金鷺橋萬厯志在州北十里

達埠橋李志在州北十里楊志未載

豐樂橋在州北十里乾隆五十二年里民捐建有記

豐樂橋記橋以豐樂名志慶也往者怒濤箭駛驚若望洋今架以木而徒馬紛紜過無虛日民稱便焉工既竣衆父老觴而落之夫橋之成有所以成之者地豐于財人樂于輸故不勞而有功命曰豐樂以慶其成也今將董事暨助金者芳名勒石

西澗橋萬厯志在州北十五里

湖南橋楊志在州北十五里州民沈一梁建

馬澗橋萬厯志在州北十七里

沈家渡橋在州北二十里舊以船渡明萬曆四十二年僧
錢明募建有碑

沈家渡橋記沈家渡乃徽寧江浙往來要道遇霖雨汎
溢行旅經過濟渡溺覆往往有之僧錢明建菴溪上見
而憫之募善人曹武韋宗昂等造橋復鳩二十四人為
橋會各出財生放分作三班輪年修理自此橋無朽壞
而永存矣萬曆四十二年立碑案今橋
會中存田五十畝零三分四厘二毫

薛塘橋在州北去沈家渡二里舊為塘當渡之下流衝激
而成溪往來徽寧宜溧者必經此乾隆四十五年生員

雲步青里民張鍾琰等勸捐建造木橋并置田八畝為
修葺之費新增

廣德州志 卷十一 津梁 三

太平橋萬曆志在州北二十里

楊邯橋萬曆志在州北二十里俗名楊菴橋案南畿志作

楊汗橋後圯乾隆五十六年知州胡文銓勸修現已興

工

小娘橋李志在州北二十里即節婦某氏死節處橋北有

節婦塚楊志未載

須彌橋在州北二十五里通浙要道舊建石橋後圯止存
兩塚上架木中設欄以止車販米者皆負之以過水落
則下構小橋以通車旁有菴里人置田為橋會以時修

葺常集是菴焉新

陸家橋萬厯志在州北三十里

中娥橋明一統志在州北三十里相傳唐劉文靜夫人建

故名以中娥

案是橋最古南畿萬厯等志俱不載則其廢久矣然名不可沒也

新橋在小北鄉得水菴僧募建未幾圯乾隆三十四年張所雲趙希極等重修後以餘貲為橋會有碑新

劉洞橋楊志在州北四十五里案萬厯志作劉同在州治西北楊門李志作劉洞今

廣德州志 卷十一 津梁 三

沿為流洞實在大北鄉非西北也 乾隆元年僧通彩通建同修二十七年圯僧界明重募建判官左宜有序

流洞橋序州治大北鄉有流洞橋其水自五花巖發源由東灣趨建邑陸道則上連宜溧下達蘇杭實為桐郡之通衢江浙之要道也其地舊有石橋一座乾隆元年慶雲菴住持僧通彩通建募修二十七年溪漲致傾今其徒孫界明重為修理請董事十數人為募首不踰年而觀成因序之時乾隆四十五年庚子冬臨川左宜

以上本州橋八十有九

廖店橋楊志在建平縣東十里明宣德八年縣丞馬昶建

縣志後圯乾隆五十四年邑人王大成同楊德勳等募

建

案南畿志載建平橋二十有二萬歷志三十有一皆不詳其所通志錄二十有五亦未詳建年今據楊志兼採縣志及今所聞補之凡不言書名者皆楊志也
新增者加案以別之

胥家橋縣東十里今廢

土橋縣東十五里

開土橋縣東十五里

新橋縣東十五里

沙橋楊志縣東二十里一名上神橋李志居民李會建

廣德州志

卷十一

津梁

三

案圯後架木爲橋又廢乾隆四十年故民孫大順妻楊氏捐銀重建石橋邑令王惟一記

國朝王惟一重建沙橋記跨上神港當赴州孔道下江之賈浙西者經焉大雨驟漲東北諸山之水奔注洶湧橋非高廣堅固不可舊橋久圯架以木危且易朽歲己亥庠生孫大漢大受之贅嫂楊氏倡建之高三丈五尺脩十尋廣四分脩之一表裏皆用條石疊砌橋畔爲亭使人得所憇經始乙未三月至戊戌二月告竣用白金千四百兩有奇世以小惠爲婦人之仁若氏之利濟無窮雖巴婦之善用其財不是過也 案孫楊氏事詳列女志

阮橋縣東二十二里縣志居民阮時序建徐瑤重修

孝義橋通志縣東二十五里宋紹定中建縣志因宋時居

民李貴得名

〔案〕孝義名見南畿志由來已古楊李等志作李實建
既訛其名亦非貴所建也

高橋縣東南二十五里

駱村橋縣東南二十五里明永樂十八年居民駱觀募建
浮潭橋縣東南二十五里架浮潭之上故名明永樂二十
一年道人余成募建

南峽橋縣東南二十五里

中峽橋縣東南二十五里

廣德州志 卷十一

津梁

三

北峽橋縣東南二十五里

雙橋縣東北十里

山下橋縣東北十五里

錢橋縣東北十五里縣志宋時錢興務募建黃時濟重建

東坑橋縣東十五里廢

諸家橋縣東北二十里楊李志俱作二十里通志二十五里

德政橋縣東北三十里縣志明宣德八年巡檢畢昇募衆

重建

清溪橋縣東北三十里

石橋縣東北四十里

大澗橋縣東北六十里

張家橋縣東北六十里

北菴橋縣東北六十里

沙區橋縣東北六十里

惠政橋楊志縣西門外舊有浮橋名普濟在縣之南宋嘉

熙間知縣施德懋建厥後艦敝因廢為渡明崇禎戊寅

庠生烏伯龍仲龍等議建石橋未就邑侯何宏仁序李

志康熙辛未史綱等募建浮橋前令張顧行置橋田七

廣德州志

卷十一

津梁

一

十九畝衆姓捐田三十三畝為橋田復建橋房今橋廢

為汪家渡田房被侵知縣衛廷璞清追註冊案宋施令

所建浮橋久廢明嘉靖間州判鄒守益檄縣復為浮橋

用艦三十有二署令黟簿江山有記計橋田一百四十

餘畝管理者屢有侵蝕乾隆十七年知縣貢震撥一百

畝入育嬰堂以四十餘畝給渡夫耕種自贍其渡夫房

屋係生員王廷楠以父晉所遺銀五十六兩助建

明江山惠政橋碑寧廣諸山之水會建平為大川以艦濟輒覆墊東廓太史哀矜不幸檄乃牧黃寬曰若邑衆病涉盍亟為所命作舟楫聯比為梁太史陟去甫度工牧謝病去歲四月黟簿江山攝邑政紹若績構方艦上

者戶二艦次戶一艦再次二戶最次三戶閱三月集艦三十有二偶比成梁浮直要津往來騎負者若履平路邑民曰惟太史克肇厥載惟牧克惠厥中惟簿克成厥終

綠龜橋縣治西白鶴觀前李志作六歸縣志辨云昔傳六水會于橋下故名六歸云綠龜

者訛也

吳家橋萬曆志作胡家橋楊志縣西八里邑人宗璽令僧

募建縣志圮後宗珊五琦六重建案後又圮乾隆七年

潘燦譜首捐銀一百五十兩并募衆建

尹家橋縣西十五里今廢

施板橋縣西十五里今廢案李志縣志俱作施家橋

廣德州志 卷十一 津梁 三

蘇棣橋縣西二十里今廢

狗兒渡橋縣西二十里原名鳳凰橋明夏宗武建縣志後

圮夏元鈺重建復圮僧明智斷腕募建至康熙戊寅落

成案李志縣志俱作吼兒渡橋

環翠橋縣西二十里

流碧橋縣西二十里縣志在敦頭山王良六良七建

西成橋縣志縣西二十五里邑人張燦等捐建州志未載

三峽橋縣西二十五里宋紹定四年知縣孔惠時建通志

其水出三山之峽故名

荆軻渡橋縣西三十里明正德三年夏斌三妻以木爲之
後夏宗孟更造石橋康熙五年知州楊苞捐俸重建

大橋縣西三十里

小橋縣西三十里縣志俱邑民王廷治建

濟溺橋縣西三十里案明萬曆十三年居民夏湛賜捐建

飛鯉橋縣西南二十五里明嘉靖十三年徽人童念忠建

縣志俗傳架橋時有鯉躍水上因名後木朽萬曆三年

生員韓荆等更造以石有徽歛義官黃時濟助銀三十

兩案後又圯乾隆十三年韓文烈大模等重建縣令貢

廣德州志

卷十一

津梁

三

震記

貢震重建飛鯉橋記橋跨大蘇溪橫界徽寧孔道附橋
居者韓氏最繁自萬曆迄今易木以石代石以木皆韓
氏任之乾隆十三年文烈大模等鳩族捐得四百餘金
隣里助之伐石興工十五年冬橋成高二丈脩倍之廣
三之一用白金
千二百兩有奇

花橋縣西南二十五里今廢

師姑橋縣西南三十里

楊村橋縣西南三十五里

縣志三十里

碧溪橋縣西南四十五里架木碧溪通宣城要道俗呼畢

家橋舊爲盛氏業乾隆五十一年邑人陳廷概重造承

管歲修新

下馬橋縣西北一里縣志明景泰五年僧惠讓建

朱家橋縣西北二里縣志宋時居民朱壽三造

裘橋縣西北三里今廢

宗家橋通志縣西北五里宋建縣志近居民宗氏故名

夏家橋縣西北十五里縣志作十里李志作夏陽橋

烏泥澚橋縣西北十五里

沈家橋縣西北三十里

梅家橋縣南三里

廣德州志

卷十一

津梁

七

丁塘橋縣南三里宋慶元五年知縣葛採建縣志元至元

五年知縣高璧主簿驢驢重修後廢明正德十年知縣

張滌令僧募貲買石重建復圯萬曆二十三年鄉官王

三聘等重建案乾隆二十一年邑人王登俊等重建

港橋縣南五里今廢李志王道明建後廢架木以通往來

康熙五十六年邑人王貞捐貲七百餘兩復建石橋

許家橋縣南二十五里宋寶慶三年居民許日富建縣志

後廢崇禎十六年邑人方聘募建今名雙拱橋

案楊李志有許家橋又有雙拱橋俱縣南二十五里

此必重出今從縣志

水鳴橋縣南二十五里縣志後圯方聘率族人重建案南

畿志有其名

永興橋縣南二十五里明景泰四年邑民梁芳建

積福橋縣南二十五里明景泰五年邑民梁芳建

環秀橋縣南二十五里李志萬曆二十六年居民方孝三

建縣志

邵家橋

諸志俱不言所在

汪山橋縣志在縣南明永樂二十一年李芳一建

廣德州志

卷十一

津梁

三

鳳凰橋宋淳熙二年建一在縣南三十里一在縣西莊村

二十四里案通志止載縣西一橋宋淳熙初建

張公橋縣志宋時張道興募建明萬曆二十三年居民陳

憲九改建

案張公四路龍潭清碧通津踏滉鍾橋西梅等橋並

載南畿志

四路橋元建明萬曆間知縣張宗信重建俱縣南四十里

龍潭橋縣南四十五里宋淳熙間居民姚千一建

洩澗橋明景泰二年張仲祥建

雲橋俱縣南六十里

磚橋縣南七十里縣志姚姓士民建

青碧橋縣南八十里宋淳熙四年楊李等志作咸熙居民

談祥瑞募建南畿志作清碧

泗洲橋縣南六十里宋淳熙四年居民談祥瑞等建李志作八

十里

通津橋縣北一里縣志宋時居民建明宏治十一年邑民

楊萼重建一名楊家橋

踏澗橋縣北三里縣志宋時建明成化中義民潘達五等

廣德州志

卷十一

津梁

五

修萬曆二十七年邑人吳國本重修後圯順治四年重

修宣城湯承宗序

鍾橋萬曆志作鍾五橋楊志縣北十里宋寶慶間知縣章

一璧建縣志永樂五年邑人陳興募修康熙九年邑人

程興重修

北拱橋縣北十五里

西梅橋通志縣北三十里梅渚鎮西宋建李志丙子年邑

民陳僊佑建

永福橋梅渚鎮北李志成化三年建正德九年居民王辰

重建

蕭貝橋縣北三十里

北高橋縣北三十里

洪橋縣北三十五里縣志宋淳熙二年侯智大募建

案舊作咸

熙二年考宋無咸熙年號必淳熙之訛

永康橋縣北四十里縣志明隆慶元年呂應春重修萬厯

五年呂鏊呂侯呂仗呂守仁重建石橋

通京橋通志縣北四十里縣志明嘉靖元年呂思建康熙

二十一年呂貞元呂敦禮呂家昌等重建

廣德州志

卷十一

津梁

三

永寧橋縣北四十里

縣志作西北

縣志宋端平乙未年建明永

樂二十年呂紹六重修一名上橋

以上建平橋八十有四